



PRES RILIS

VANUATU I OPENEM NATIONAL KONSULTESEN BLONG ADVANCE PASSENGER INFORMATION (API) MO PASSENGER NAME RECORD (PNR)

PORT VILA, VANUATU – 30th April 2025 | Vanuatu i ofiseli openem wan tri-dei National Konsultesen Wokshop blong putum Advance Passenger Information (API) mo Passenger Name Record (PNR) sistem, we hemi wan bigfala step blong strengthenem border sekuriti mo mekem travel proses i moa moderen. Wokshop ia i stap long Warwick Le Lagon Hotel long Port Vila, wetem patnasip blong United Nations Countering Terrorist Travel (CT Travel) Program, mo i kasem bigfala sapot long Gavman blong Japan. Wan main samting long opening seremoni nao hemi saen blong wan agrimen bitwin Gavman blong Japan mo Gavman blong Vanuatu, blong soem strong komitmen blong Vanuatu blong mekem API mo PNR oli kamaot strong long border kontrol mo immigration.

Director General Veremaito i givim opening toktok long bihaf blong Honorable Andrew Solomon Napuat, Minista blong Internal Affairs. Hem i talem se Integrated Border Management Strategy hemi wan impoten plan blong lidim wok blong mekem border sistem blong Vanuatu i moa strong mo moa moderen. Hem i talem tu se API mo PNR oli impoten tul we bambae oli helpem gavman blong kasem mo lukluk infomesen blong ol pasenja bifo oli kam, blong mekem sekuriti i strong, faenem risk kwiktaem, mo mekem wok i folem ol intenasonal best praktis.

Implementesen blong API mo PNR hemi impoten tumas blong helpem Vanuatu blong kasem mo lukaot infomesen blong ol pasenja bifo oli kasem kantri, blong faenem ol risk long taem mo mekem sekuriti blong nesen i strong. Taem Vanuatu i join long Countering Terrorist Travel Program, hem i redi blong lanem mo kasem teknikal sapot mo eksperiens blong ol patna olsem UNOCT, INTERPOL, UNODC, mo ICAO.

Wokshop ia i tekem olgeta UN eksperts mo ol representativ blong ol impoten gavman dipatmen — olsem Immigration, Customs, Biosecurity, Ports and Marine, Civil Aviation, Justice, mo Police — wetem ol pipol blong sektor blong Aviation mo Maritime Transport. Evriwan i wok tugeta blong mekem wan klia roadmap blong implementem API mo PNR.

Director General Veremaito i talem bigfala tangkiu long Gavman blong Japan from bigfala sapot, mo i talem se i impoten blong kat kontinu sapot long ol intenasonal patna. Hem i talem strong se, rod blong implementesen i gat ol challenge, Gavman blong Vanuatu i gat strong tingting se wetem kontinu sapot, Vanuatu bambae i save mekem border sistem blong hem i strong mo kasem gudfala saksen long plan ia.

Saening Akrimen bitwin Kavmen blong Japan wetem Vanuatu



Saen: Motaz Al-Rababah – UNOCT mo Leith Veremaito – Director General, Ministry blong Internal Affairs



Foto: Carl Adams, H.E Naohisa Okuda, Jeffrey Markson, Motaz Al-Rababah and Leith Veremaito.